

Werk

Titel: Nvbes Testivm Veritatis De Regno Christi Glorioso, In Septima Tuba Futuro Testant

Untertitel: In Septima Tuba Futuro Testantium. Libri Tres

Autor: Petersen, Johannes Wilhelmus

Verlag: Zunner

Ort: Francofurti ad Moenum

Jahr: 1696

Kollektion: DigiWunschbuch; Varia

Digitalisiert: Niedersächsische Staats- und Universitätsbibliothek Göttingen

Werk Id: PPN647415313

PURL: <http://resolver.sub.uni-goettingen.de/purl?PPN647415313>

OPAC: <http://opac.sub.uni-goettingen.de/DB=1/PPN?PPN=647415313>

LOG Id: LOG_0007

LOG Titel: Illustrissimi, perillustres, Generosissimi, & Excellentissimi Viri Mœcenates, Domini gratiosissimi

LOG Typ: preface

Übergeordnetes Werk

Werk Id: PPN647415097

PURL: <http://resolver.sub.uni-goettingen.de/purl?PPN647415097>

OPAC: <http://opac.sub.uni-goettingen.de/DB=1/PPN?PPN=647415097>

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

*Illustrissimi, perillustres, Genero-
sissimi, & Excellentissimi Viri Mæcenates,
Domini gratiosissimi.*



CUM gentium ille doctor magnusque
Christi Apostolus Divus Paulus, exempla illo-
rum, qui sub Veteri Fœdere in Fide vixerunt atq;
obdormiverunt, longo ordine recensuisset, glo-
riamque Fidei victricis pulcherrime descripsisset
in capite undecimo Epistolæ ad Hebræos, tandem
in subsequenti capite alios fideles, viventes æque ac victuros, ex il-
lis adductis testimoniis in semitis Fidei confirmaturus, in hunc mo-
dum eos alloquitur: *Cum igitur, & nos tantam habeamus περι-
κείμενον ἡμῖν νέφος μαρτύρων* circumjacentem no-
bis Nubem Testium, *deposito omni onere & peccato facile-noxio,*
perseveranter curramus in proposito nobis certamine, intuentes in Fidei
illum Ducem & consummatorem IESUM, qui pro sibi proposito gau-
dio pertulit crucem, ignominia contempta, atque ad dexteram *Throni*
DEI consedit. Hoc magni Magistri nostri exemplo, cujus memor
semper fui, me corroborans atque confortans, ego etiam omnem,
quæ mihi propter professum Salvatoris mei Regnum in septima
Tuba erigendum contigit, ignominiam facile ex gratia desuper da-
ta contempsî, nihil curans, quid ante me alii, qui in Scholis & Ec-
clesiis auctoritatem habuerunt, senserint, sed quid ille, qui ante om-
nes est, JESUS CHRISTUS & Spiritus ejus dixerit, atque in verbo

suo testatus fuerit. Hujus unius testimonio, quod mihi instar omnium erat, me veluti muro aliquo muniebam, satis præsidii me habere ratus, si vel nullum ex antiquissimis Patribus primitivæ Ecclesiæ testem producere possem, qui eadem mecum de Regno Christi glorioso in terris, non secundum Bestiarum illarum Danielitarum formam, sed cælesti, & eò, qui tantum Gloriæ Regem decet, modo & *θεαρχία* gubernando, sensisset aut docuisset. Ita solus à solo Deo ejusque Spiritu ex verbo Veritatis præsentem Veritatem didici: quam semel gustatam ita in me obsignavit ipsius Digtus, ut, si mille mihi mortes adeundæ essent, millies mori, quam Regnum, quod hætenus clara voce ac tuba defendi ac propalavi, negare decreverim. Observabatur interea animo meo, cum amplitudinem illam Veritatis hujus cælestis tam in Veteri quam in Novo Testamento undique diffusam cognoscerem, Annon alii insuper Testes in primitiva Ecclesia inveniendi essent, qui eadem mecum in hoc quidem negotio confiterentur? Subdubitare etiam incepi, an sanctissimi illi Patres recte hætenus fuerint intellecti, quos multa retro secula in Catalogum si non crassiorum, subtiliorum tamen Chiliastarum, quorum errorem damnaverunt, unanimiter ferme à tempore invalescentis Papatus retulere. Retraxit me per aliquod tempus Doctorum & Ecclesiarum nostratium autoritas ab inquirendo: siquidem tum opinabar, nunquam ipsos in tanta veritatis luce constitutos, ausuros fuisse tantis Patribus, quorum auctoritatem ipsi in publicis Scriptis atque in suggestu deprædicant, tantos errores imputare, nisi tales in asserta ab istis millenaria felicitate revera invenissent. At cum ipse in præsentī negotio proprio exemplo didicissem, quam injuste mihi ea, quæ ne in mentem quidem meam venerunt unquam, ab adversariis imposita fuerint, non vane subducta ratione collegi, aliis quoque ante me, & ipsis sanctissimis Patribus potuisse similiter contingere. Unde magno studio & labore cœpi Scripta Patrum, quæ erant ad manus, evolvere, & quæ deerant, magno mihi ære comparare: ut ita sententiam illorum non ex citatis aliorum, sæpe sæpiusque fallentium, sed ex viva inspectione & evolutione ipse in timore Dei cognoscerem. Ibi longe alia ex toto Contextu & serie venerandorum Pa-

trum

trum inveni , quam ipsis ab infrunitis aut ignaris imputata erant : tantumque abfuit , ut eos contra Scripturas aliquid docuisse senserim , ut potius verissimum sensum , qui in Prophetis & Apocalypsi , huiusque præsertim vigesimo capite , de Regno Christi cum Sanctis millenario continetur , mira inter se harmonia expressisse illos deprehenderim. Quis verò magis lætari eo potuisset , quam ego ipse , qui tot Testibus conspirantibus inventis , tot uniones & diademata me invenisse mihi gratulabar , & castos illos Veritatis huius Confessores , quos antea ex præscriptis Præceptorum meorum suspectos habueram , cognita ipsorum innocentia non semel Spiritu oscular ! Inde factum , ut illi mihi , egoque illis testimonium veritatis perhiberem , atque illorum sanctissimorum Martyrum autoritatem omnium novitiorum in sequioribus ætatibus constitutorum Doctorum autoritatibus opposuerim. Hac occasione enata & conglomerata est *Nubes hæc Testium Veritatis , de Regno Christi in septima Tuba futuro testantium* : quam Nubem nunc super diversos diversorum Regnorum ac Provinciarum horizontes circumfero , ut ventus Dei resoluta tot Testes veluti innumeras pluviarum guttas orbi afferat , & hortum Ecclesiæ frugiferis aquis irroret. Quo Sylabo testimoniorum lecto , non solum illi , qui magnorum Virorum autoritatibus ex imbecillitate quadam commoveri solent , ad nudam illam Veritatem amplectendam paulatim adducentur , sed etiam multi ex amicis DEI ea mecum in corde suo dicent , quæ olim Ecclesia inter terris florentissima , referente Esaia capite quadragesimo nono , visis innumeris illis circumquaque liberis , Matri Sioni per mirabilem Dei manum adducendis , dictura est : *Quis mihi hos genuit ? Eram infrugifera , sola , ejecta , depulsa ; quis mihi hosce educavit ? Ecce ! Sola eram & derelicta ; ubinam hi erant ?* Atque utinam omnes illi Episcopi , & Martyres nobis in scriptis suis cogniti essent , qui tempore *Nepotis* , & *Hieronymi* Chiliafimum Sanctum , atque in illo Regnum Christi defenderunt , quorum numerum ingentem & amplissimum fuisse in commentario super Esaïam fateretur , esset profecto , quo nobis gratularemur ; verum , cum invidia temporis & parte adversaria illi nobis subrepti sint , illo , quem exhibemus , Testium catalogo sumus contenti.

Re-

Resurgent profecto, & reviviscent Sancti illi Martyres in gloria,
quorum nomen propter sanctissimam hanc de millenario CHRI-
STI Regno nobis communicatam doctrinam ab adversariis tan-
tum non fuit imminutum, qui asseverare non verentur, pulcherri-
mam illam veterum Episcoporum faciem asserta hac melioris tem-
poris futuri sententia, veluti macula quadam ingenti deturpatam
fuisse & subfuscata. At hoc ipso tempore, magnorum mysterio-
rum Revelatore, mox palam fiet, idem illud dogma, quod turpem
errorem & nævum isti vocaverunt, veluti pulcherrimum aliquod
ornamentum, quo facies Patrum quam maxime decoretur, merito
esse habendum, atque omnes illos, quos propter assertum Chiliaf-
mum Apocalypticum suspectos, & eo ipso Enthusiasmi & Fanati-
cismi reos fecerunt ii, qui *Orthodoxorum* titulum sibi vendicant, il-
los, inquam, nunc propter ipsum professum Chiliafimum esse ma-
gni faciendos, utpote qui Mysterium Regni & decora Sponsi ac
Sponsæ, in splendoribus sanctitatis in die Nuptiarum fulgentia, non
sine arcano revelantis Spiritus Sancti favore cognoverint, atque ea
omnia coram meretricio Mundo intrepide confessi fuerint. Salve-
te ergo Regni Jesu Christi, Regis in Sion, atque rerum omnium Hæ-
erdis Assertores, qui partem in Regno Christi habituri estis! Salvete
Prophetæ, Evangelistæ, & Apostoli Apostolicique Viri, *Papia,*
Ignati, Polycarpe, Clemens Romane, Dionysi Areopagita, Irenæ, Iustine
Martyr, Tertulliane, Victorine, Lactanti, & omnis pulcher ordo Con-
fessorum, qui pallio hæretico inique hætenus onerati estis, & sine
vestra culpa nigrata facie incessistis! Agite, deponite sordidum no-
men, & vestes squalore & muco aliorum detritas: è contrario au-
tem gloriæ coronam & cidarim, atque habitum sacerdotalem &
Regium induti judicate eos, qui vos judicaverunt, ac qui vos crimi-
nati sunt, eos induite ignominia perpetua, ut hypocriseos veste &
Hæreseos nomine in conspectu Dei infames, ni resipuerint, æterno
pudore suffundantur. Erit, erit illa dies, qua mira catastrophe sub-
orietur, ut, qui magno nomine nihil tale merentes inclaruerunt hæ-
tenus nihili prorsus æstimentur: illi vero, quos censura muneribus
suis movit, & qui velut seductores per vuculas hominum traducti
sunt, veraces Servi Deiprehendentur & celebrabuntur. Cum
enim

enim in præfenti Scripto, quod jam inde ab aliquor annis Lipsienſi
Carpzovio, atque omnibus aliis autoritatem Patrum & veram illo-
rum ſententiam in hac cauſa mirè incruſtantibus, oppoſiturum me
eſſe promiſi, ſed propter varia negotia & Apologetica, quæ edenda
fuerunt Scripta, in ordinem colligere non potui, clariſſime demon-
ſtratum ſit, omnes Prophetas, nec minus ipſum CHRISTUM &
Apoſtolos ejus, de hoc Regno glorioſo teſtatus fuiſſe; quî jam fie-
ri poterit, ut æqui rerum arbitri in Patribus illud culpent, quod in A-
poſtolis & Prophetis omnino laudandum, ipſorumque de eo teſti-
moniis firmiter credendum eſt? Aut quis in neotericeis etiam
Teſtibus porro illud rejiceret & damnaret, quod tanti Patres & Mar-
tyres, ab ipſo Evangeliſta Johanne edocti, nobis illibatum atque in-
corruptum reliquerunt? Si te non puduerit religioſiſſimorum Ec-
cleſiæ veteris Epiſcoporum, qui Chiliaſmum ſanctum ex Scriptis
Prophetarum & Apoſtolorum didicerunt: cur illos horreas, qui
eundem profitentur, & qui illud cognoverunt Scripturæ Arcanum,
ex quo omnis Prophetia veteris ac novi Teſtamenti dependet? Tunc
illos *Enthuſiaſtas*, *Fanaticos*, & quod nunc apud multos probroſum
nomen eſt, *Millenarios* vocaveris, qui minime digni ſint, ut in Eccle-
ſia doceant, aut ad publica munia admittantur? Sed tempus eſt, ut
per tot ſecula collecta Teſtium veritatis Nubes deſcendar, & quæ
antea ſingulæ in ſingulis ſeculis & annis audiebantur voces, nunc
conjunctiōe facta fortius ſonent, & copioſius dilatentur, nec citius
taceant, uſque dum Jeruſalem illa exornata & dilatata & amplifica-
ta fuerit, uti divinus Prophetæ Eſaias in capite ſexageſimo ſecundo
verſu primo & ſeptimo, haud fruſtra olim eſt vaticinatus. Agite er-
go Confeſſores Regni, tuba canite, annunciate Bona in terra Viven-
tium distribuenda, nec ſilete de judiciis magnæ matri fornicatio-
num Babylonix, & omnibus, qui Spiritu illius gaudent, ubi ubi fue-
rint, impendentibus & in hæſuris. Jam cecinere lucis aves; ſenti-
unt auroram maturantem, ex cujus pulchritudine de die pulcher-
rimâ orturâ præſagiunt: Felices omnes, qui ad convivium & coe-
nam AGNI vocati ſunt! at feliciores, qui vocant, & ideo miſſi ſunt
à Deo, ut at coenam hanc multos convocent! Veniet, qui venturus
eſt, & non tardabit: Ante fores eſt paraſceve magnæ illius Diei,
quam

e quam *Abraham* Spiritu prævidens tantopere gavifus est, & in qua
Kveiañijm in Spiritu raptatus *Iohannes* Apocalypsin sanctam con-
scripsit. Impii interea impie agent, & non intelligent; alter ad a-
grum emendum; alter ad boves; alter ad foeda conjugia propera-
bit, coenam AGNI fastidians: At Sapientes & Pii attendent ad præ-
conium æterni Evangelii, & Sancti atque iustificati amplius, iustifi-
ficabuntur, secuturi aliquando AGNUM, quocunque ierit, & visuri
in die illa, quale discrimen sit inter illum, qui Deum coluerit, & in-
ter illum, qui non coluerit, Regnumque Dei alto cachinno irriserit.
Ego verò tantam in omnibus Scriptis Prophetarum & Apostolorum
diffusam Veritatem, sine qua tota Sacra S. quoad Prophetiam ob-
scura est, cum S. Evangelista & Apostolo Johanne omnibusq; Servis
DEI, magni semper faciam, nec quantum in me est committam, ut,
quæ mihi desuper ex verbo DEI sanctissimo de ipsius Regno reve-
lata sunt, ulla ratione aut tempore à me celentur, aut ab aliis sup-
primantur. Hanc autem Confessionem magni Regni, Regni JE-
SU CHRISTI, quod aliquando teste Scriptura apud Daniele
capite secundo & septimo omnia Regna, qualia in Prophetia descri-
pta sunt, conteret & comminuet, nunquam ab aliis comminuen-
dum aut conterendum, Vobis, *Viri Illustrissimi & Generosissimi*, qui
ad gubernacula Imperantis nostri Clementissimi ELECTORIS
BRANDENBURGICI sedetis, inscribere ac dedicare volui, ut ip-
si tanta tamque ardua causa cognita, quid nobis qui credimus, om-
nibusque Regentibus Justis, gloriam suam in Regnum CHRISTI
inferentibus, sperandum sit, pro vestra, qua eminetis, prudentia in-
telligatis, & judicetis, An illa res ceu nova & rejectanea haberi de-
beat, quæ à Patribus antediluvianis credita, à Prophetis asserta, ab
Apostolis propagata, & à sanctissimis Patribus sub novo Fœdere,
totisque inter ipsos Ecclesiis orthodoxis, tam diffusa nùbe Testium,
hanc in rem à me adductorum, defensa fuit & commendata. Si fe-
licissima illa tempora, in quibus ligato Satana, & deleta Anti-Chri-
sto, sublataque Meretrice cum falso Propheta, CHRISTUS cum
Sanctis suis regnaturus est, non essent in Sacris promissa, esset tamen
cur ea omnia, regnante injustitia in perditis hisce & conclamatis tem-
poribus nobis optaremus. Nunc verò cum tot illustrissimis & toties
repe-

repetitis verbis, tam in Prophetis quam Apostolis, & præsertim in Apocalypsi Prophetias omnes atque earum Arcana referante & manifestante, illa Refrigerii tempora promissa sint, quid est, cur illa negemus, atque eos, qui eadem fidelibus lati annunciant, odios habendos, atque functionibus tam ecclesiasticis quam civilibus indignos esse existimemus? Crescet hæc ingens cum tempore Veritas, quæ, quo magis ad senectutem temporum pervenerit, majores eundo vires acquirere, & ad perfectum Virum, qui in mensura perfectæ ætatis CHRISTI tandem roboratur, magnis & celerimis passibus progredietur. Unde cum in reliquis artibus & disciplinis, seu mechanicas, seu mathematicas consideres, tanti quotidie progressus fiant, ut ad summum quasi fastigium artes hodiernæ ascendisse videantur: num credibile est, solam Theologiam ipsiusque Mysteria in profunda Arcanorum abyssu semper manere sepulta, & nunquam majori luce & claritate esse manifestanda? Aut num putandum est, Scripturam Sacram, magnum illum rerum profundissimum oceanum, ita esse exhaustam, ut nihil amplius sit reliquum, quod investigemus? Deumque ipsum se ita evacuasse, ut nihil de mirabilibus ipsius revelandum restet? Absint hæc prava cogitationes à Viris magnis: Nam sicuti ex parte, fatente Apostolo, prophetamus; ita ex parte etiam cognoscimus ea, quæ veluti in ænigmate tamdiu proposita sunt, donec dies illucescat, atque omnia obsignata & abscondita à seculo in septima Tuba & appropinquantibus ultimis temporibus, ex vaticinio Danielis, pateant & revelentur. Dies interea diem docet, & gradibus ad summa itur, minimusque Pygmæus conscensus giganteis humeris latius prospicit, quam ipse gigas. Quapropter plus *Abrahamo* vidit *Moses*, *Mose David*, *Davide Daniel*, *Daniele Baptista*, eoque *Apostoli*: quibus vita & officio defunctis lux Veritatis, licet interdum varias noctes ex interveniente parallaxe & vicissitudine passa sit, semper tamen reditiva super terram exorta est, usque dum, non prima statim momento sed statis progressibus ad meridem assurgat, atque ad culmen perveniat. Cum igitur ultima tempora Seculi hujus ruituri, ipsis adversariis nostris fatentibus, appropere ac rotentur; quis dubitet impletum iri, quod ultimis temporibus promissit Spiritus Sanctus revelandum: Dum enim ad certas temporum periodos aliquid obsignatum & clausum est, non illud in omnem æternitatem obsignatum manebit, sed periodis istis impletis tandem reveletur necesse est. Ita verò Prophetia loquitur: *Claude Daniel Sermones, & signa librum usque ad tempus statutum, sic plurimi investigando percurrent, & cognitio multiplicabitur*: Dan. 12. 4. nempe cognitio illa Dei, quæ marinis undis diffusior erit, Es. 11. 9. *Tunc Mysterium Dei implebitur, sicut annuntiavit servis & Prophetis, testante Angelo in Apoc. c. 10. 7. restitueturque omne illud, quod Deus locutus est ab initio Mundi per os omnium sanctorum Prophetarum suorum. Act. 3. 21. Quibus impletis dicetur, Querite jam in libro Domini, & legite, Ne unum quidem ex his deerit, neque alterutrum desiderabitur, quia os ejus præcepit, & Spiritus*

ritus ejus congregavit ea, Ela. 34, 16. Accipite ergo, ô Viri magni, non tam mea,
quam magnorum Prophetarum & Apostolorum, Apostolicorumque Viro-
rum Testimonia: ex quibus cognosci quam apertissime poterit, nullum un-
quam tempus defuisse, in quo Deus per Spiritum suum revelantem de magna
hac Regni Christi Veritate non testatus fuerit. Licet enim plenitudo cogni-
tionum cum omnibus circumstantiis, ultimis demum temporibus, quando
matura erunt omnia, exuberatura sit: tamen idem in hoc negotio accidit,
quod Christo, qui medio in statu Exinanitionis igniculos divinitatis suæ spar-
sim emittebat, donec habitu illo servili deposito ad Exaltationis statum pro-
gressus, sese ad dexteram Dei ad complenda omnia in Gloria & Majestate col-
locaret. Ita etiam Testes hi veritatis, à me per omnia Secula adducti, eam de
Millenario Sancto Apocalyptico, in quo Veritas & Bonum victa malitia glo-
riose velut agmine facto perumpet, verissimam doctrinam veluti
radiis hinc inde sparsis proposuerunt, quæ tandem in unum colle-
cta balsamum eo penetrantius & fortius diffundet, quo propinquius
illa tempora adveniunt, in quibus ipsa penitus erit revelanda, cognoscenda,
atque adimplenda. Videbitis ex Reformatis Doctoribus in Catalogo seu
Syllabo testimoniorum à me conquisito quam plurimos, (utpote *Piscatorem,*
Alstedium, Crugotium, Serarium, Josephum Medum, aliosque & nuperrimum
Anglum *Thomam Beverley,*) unam illam eandemque Veritatem cum omni-
bus ferme circumstantiis, præsertim quod Regnum Christi millenarium futu-
rum & Resurrectionem primam ad Regnum attinet, pleno ore & magna ple-
rophoriam eum assertam publice fuisse confessos, adeo ut ipsi inter primos
viderentur. Quod superest *Deum ter optimum maximum,* cujus hoc Regnum est,
& qui Filio suo hæc Regales nuptias cum Sponsa sua, velut uxore *Agni,* in con-
spectu Angelorum & totius universitatis celebrandas f. &urus est, etiam atq;
etiam ardentissimis precibus rogo, ut *Serenissimum* nostrum *Electorem,* quem
Divina bonitas exulum & servorum Dei præsidium esse voluit, qui que mihi
cum primis Cémentiâ suâ abundantissime demonstravit, congrua tantis mu-
neribus præmia in ipso Regno videre dignetur. Idem vero *Deus* noster Vos que-
que, Viri Mecænates, omni pietate & reverentia perpetim a me colendi, in
conspectu suo sancto sistat & inculpato, coronaque Vos immarcescibili exor-
net, atque in exulceratissimis hæc temporibus, in quibus v. x. justus animam
suam servat, Vos, vestramque Generosâ famulam una cum seris nepotibus po-
tentissime servet: Fiat! Vivo moriorque.

*Illustr. & Generosissimorum Nominum
Vestrorum perpetuus cultor.*

JOHANN WILHELM PETERSEN,
S. S. Theol. D.